

外國地理備考

貳

14
1475
96



門 4
號 1475
卷 96

新釋地理備考全書卷二

目錄

氣論

風論

流星論

光環論

北曉論

雪論

露論

雲論

雷電論

虹論

日月重見論

雨論

雹論

霜論

地理備考全書卷二 目錄

海山仙館叢書

昭和十一年
十二月二日
購求

霧論

冰論

潮論

水流論

泉論

河論

地震論

火山論

新釋地理備考全書卷二

大西洋瑪吉士著

氣論

凡運動流行於地球四面者名曰氣由地上升不過數
十里而即止其去地近者則厚而密去地遠者薄而稀
人物無不藉此而生活穹窿亦皆以彼而輝耀其為氣
也無影無踪無臭無味視之莫見撫之莫獲放之則彌
六合卷之則退藏于密故有輕重剛柔之殊人物為其
所包羅以通呼吸而延壽命若絕之則難活矣且又易

均理便考卷二
于聚散其散也則爲熱之故其聚也則爲冷之故是以所受之熱愈炎而愈散所受之冷益寒而益聚一散一聚無不流動焉夫何有是氣哉乃地上之山川人物水火金石穀蔬草木等萬物之所發者也試以其重驗之比水約輕八百五六十倍既有輕重其包羅人物之外者應重勢必壓伏難舉而人何以不覺其重蓋因所包羅者上下週圍均同故人不覺也譬如人入水底何以不覺其重若以身接飛泉下流何以又覺其重蓋在水底者上下週圍均爲水所載雖重而不覺其重也其接

飛泉下流者水往下傾身之上皆爲水壓伏雖輕而仍覺其重也又譬如將手入于桶水之中不覺其重若將桶開一孔以瀉水以手承之則手自被水壓而往下此何故也蓋手在水中週圍有水包之故不覺其重手在水下惟有上流之水下壓故覺其重也再譬如將海沫一團以線繫于大木桶之底隨後用水貯滿桶內海沫體質本極綿軟而其上壓之水甚多且重何以不能將海沫壓損蓋海沫中已浸滿水體外之水雖多乃週圍包之故不能壓損况其體中所浸之水雖少亦可敵外

面之水也氣之理亦然所以雖重而人不覺其重焉且氣比水尤輕水既週圍包羅不覺其重氣亦週圍包羅所以尤不覺其重也又氣越厚密越重越薄稀越輕地方所在越高其氣越薄稀而輕越低其氣越厚密而重是以人居地面則服其氣若去地遠則氣力薄而不能保其生命也曩者嘉慶年間西域有人乘風球而上升去地約十四五里之遠其人卽覺有耳聾者有手痺者又有受萬種淒涼莫可名言者諸各不同倘若離地愈遠不知更作何狀由此可見人祇可稍離地面而不可

過于高遠也又因氣之輕重厚薄各處各時皆不相同故西域製造陰晴表以備度量其輕重再凡運動流行之物皆有輕重之質而氣則除輕重外猶有剛柔之性其體質若有外力制之可以由大而縮小然其體質亦具有力或去其外力之制又可以舒小而復大也譬如以皮氣球將氣裝滿封固其口人或以手按之則氣必收縮而曲斂將手離開則必舒放而復元惟人手按之際但覺其氣勢騰起而拒手若將氣球擲地勢必跳躍可見氣若非有剛柔之力何能如此再其剛柔之力

地理備考卷二
三
有多寡之別若按之力小其騰起之勢亦小按之力大其騰起之勢亦大且本性原有三等可見一則雖按之不論幾多年限其力始終如一並無稍減消滅實非他物之所能者也二則熱之愈甚其力愈大故人所抑之氣其力時刻欲舒若值甚熱之際其欲舒之力更甚也三則若無阻隔抑壓者其舒而發散實爲彌漫無窮也但氣之厚密各處不同故欲定其高之量非易所以氣之凝也愈遠于地面而愈薄焉

雲論

雲者氣也其厚而下冒者則謂之霧其輕而上騰者則謂之雲苟被風吹散則人莫之見倘無風飄蕩則可以遮蔽太陽其所以使之上騰者乃日也其所以變化爲雲者乃江湖河海池沼川澤之氣也至夏時較冬爲尤甚至乎使其上騰之故確然有可證據譬如以溼布展曝于日光之下少時之間其濕盡去其布復乾又如以槃將水貯滿置于當天之下其水漸漸消耗以至乾涸一滴無存且水何以能竭哉不過因日曝烈皆變爲氣而氣上騰變化爲雲耳除日之外則火亦可以令水變

爲氣也譬如將水放于火上炊之使滾轉瞬卽有熱氣上騰若不將水掇開離火其水必漸熬乾一滴無存其所發之氣皆水之所變者也若以手覆于其上則手中必有熏蒸之水也其雲之上騰有時所高無幾或在山頂之上或在半山之中至于其色有青黃赤白黑五者之別一則因受日光射照而然一則因所化之氣各殊而然故雲有屬雨屬風屬雷之不同也

風論

夫氣旣爲運動流行之物而其本性原寂靜不動上下

四旁不偏不倚常爲均平者其理無疑蓋凡有一處失其均平之勢則週圍之氣皆因之而動其動也者則總名爲風其成風之由時常亦不過因夫二者一則曰熱一則曰冷熱則令氣發散而此一處較彼一處尤爲輕稀冷則令氣凝聚而彼一處比此一處更覺重密緣氣動有遲速之殊故風起有和迅之別屢次試驗嘗見四刻之內有行二三里者有行一百五六十里者且風所以常變不定皆因其由來使然若其由來常如一轍則風亦始終不變也凡在海上駕舟之人常見熱道之間

週年東風名曰不易之恆風其故皆因日之類行從東而西將在下之氣曝之使散其氣俟日過復凝于是其氣已歎則東方之氣從西流而彌縫之故常隨日俱西流動不息週而復始所以恆變爲東風也又有言其處所以恆發東風者其故乃因地球本體一日一週也蓋地球每日由西而東旋轉其面上之氣自必流行其上從東而西如舟行逆水或由西而東其水過于舟身必從東往西而流也其風亦有時偶因他故稍爲變易其故不一今就南北二帶之風言之其風凡從一方而起無

甚變幻其名爲二帶風者乃由赤道至北約三十度至南亦約三十度南帶北帶之間所發者也有三等之別其一名曰恆吹風北方永從東北而起南方永從東南而起近于赤道永從正東而起惟在赤道上及去赤道或南或北二三度之處雖恆吹東風然亦稍有變異不能永爲一定也其二名曰當令風乃六箇月從一方而起再六箇月從相對之方而吹其風凡轉對方之際每有烈風暴雨雷電交作乃春秋二分之時也其三名曰海地微風乃每日自子時至午時則由地向海而吹自

地理備考卷二
午時至子時則由海向地而吹因其風微細所吹不過
自起處約二三十里之遙卽爲息故也

雷電論

雷者空中烟電發燒之聲也其鳴爲雷霆又名霹靂其
光則爲閃電又名雷鞭夫何以有是雷電哉凡天氣炎
熱從地面必有能然之氣如硝磺等之類發洩而上騰
至其氣在空中積滿之際則然而化爲雷電故于夏令
之時居多若于冬令雖有亦鮮矣雷鳴之聲或云皆因
于硝氣迅然發洩所至故雲中若無硝氣惟有電掣而

無雷鳴又若雷鳴必先閃電而後雷響其鳴之聲長短
亦因有山以應其音是以前聲悠長若在谷中其聲更
爲長而且巨聲之或大或小或疾或緩乃相離遙遠故
先見其光後聞其聲也其雷在熱道一帶地方時所恒
有若在赤道之上則更甚焉所鳴之聲愈爲洪巨屋宇
舟車及人物等無不震動凡雷行縱衡不定常于空中
且進且退往返迴環一時則千盤萬旋而不已其所以
致雷下降者每因雲積甚厚倘一遇風則吹散消滅而
雷不鳴凡塔頂之金銅等物亦皆有吸雷下降之力故

凡雷鳴時在高處較低處爲尤多再雷鳴之時撞鐘放炮皆屬不宜蓋因鐘礮之聲均能動氣恐氣動而致雷下降也凡至雷鳴所有硝磺火藥等易然之物必須安妥恐被雷火引著而轟擊也

流星論

流星者乃捷行之光也亦以能然之氣從地上騰其氣值天氣清明而上騰本屬微細適逢燄燒而發光焰且燄著必由引線之路而行燄盡卽滅緣其光如星輝故名曰流星總而言之空中凡所燃之火光皆從地面而

上騰能然之氣也

虹論

虹者乃日相映而現于空中之色象也其形如弓其色有七乃紅黃金黃綠藍洋藍紫是也但人視之惟見四色最易分辨乃紅黃綠藍其金黃與黃並爲一色洋藍與藍亦並一色而紫色甚淡故人所見之色惟四焉其所以成虹之故乃日光斜射于細雨降淋因而照于人目也至虹之出現有高低大小不同若太陽所升未遠其弓則高而大若日升已高其弓則低而小視日爲高

低故其所現之弓有一二三四道不等一道乃人所常見者二道雖亦人所常見然而較之一道者則覺少三道罕見之四道人見更罕焉凡見一道弓形其色之次第乃紅黃綠藍也二道弓形則分上下因下形之色深濃故為第一上形之色淺淡故為第二其色之次第上形乃藍綠黃紅下形乃紅黃綠藍與上形相對也三道弓形則分上中下因下形之色深濃故為第一中形之色稍微淡故為第二上形之色更甚淺淡故為第三其色之次序上形與下形相同中形與上下相對也四

道弓形亦從下逆算至上分為第一二三四道其色之次序乃兩兩相對也凡虹之出現朝則在西方午則在北方暮則在東方常與日相對也

光環論

光環者乃光明之圈偶或環繞于日月各星之外者也其圈有時而光發其色如虹有時不能辨色其所以有之故乃因空中所聚上騰之氣甚多或日或月並各星等之光照射直透所以成為光環其環因氣上騰遠近而見故有大小之別也

日月重見論

日重見者乃雲上所形之日體也皆由太陽之光映射于浮雲內故人視之如另有別日也凡日遇有重見卽有光環相隨于後且必有或雨或雪相繼而下日之重見有多寡不等而人之常見者則惟一焉其二雖亦人所時見然而較之于前者則覺少其三四五六人罕見之順治十八年峨囉呢啞有同時見七日者月重見者乃雲上映照之月體也其數之多寡與日約畧相同其所重出之月一時或旋繞于真月之外一時或竝列于

真月之旁也

北曉論

北曉者乃北方空中常現之光也因其光每近于天邊猶如昧爽之光故名曰曉也凡初現于天邊之上其形如弓而此弓之所現于人目者光輝燦爛照曜外射後則漸漸升于天頂宛似光環週圍均有光芒各色不一也往常向西十度或十二度始爲消滅一時儼如光彩之雲或白或赤或黑顏色莫定其上皆有光輝映射照徹繼以暈出暈過仍發光芒一時或如光明之柱遇有

兩柱相逢之際則變爲密雲轉瞬方顯光明其光有時或白或紅或藍色亦不等也其所以有此之故亦皆因雲中聚有能然之氣既然而發但非比電光之迅速也至于各色之不同者不過因其上騰之氣不一而然耳時常所見惟有一弓形若二弓三弓雖亦有之而見者罕矣凡出現之時均屬夜間日入後三四點鐘之際其現之久暫遲速亦無一定乾隆二十九年大西洋地方有出現二時餘之久方熄者其北曉之隱現莫定一時屢現不休一時並不出現惟極北之處較北方他處所

現者爲尤多其素常現時乃自秋分起以至次年夏至或小暑而止按西域哈雷者推算其離地約有一百三十或七十里之高也

雨論

兩者乃空中所聚蒸溼之氣其積甚多其體沈重或因過爲稠密或爲風所飄搖或因天氣薄稀彼此衝激不能停留于空中故化爲甘霖而下降也其蒸溼之氣凡浮而在上則爲雲飄而下降則爲雨有用顯微鏡觀察者見氣之上騰皆爲水泡極細如塵若完好如故則上

騰猶可停留倘彼此聚合稠密衝激破碎卽變爲水較氣尤重勢必下墜譬如松香或木槌子水泡順風放去其泡漸漸颺高若遇兩泡相逢衝激破碎卽化爲水而落下雨降之理亦然且落雨有大小多寡之別四季均有惟夏令較冬令尤多而大皆因夏日空中之停雲甚高而上騰蒸溼之氣極盛凡遇彼此衝激其雨必大有由然也至冬令停雲亦不甚高溼氣亦不甚盛雖偶有大雨淋漓較夏令究爲鮮矣春秋二季雨水調勻亦可類推也再以晝夜論雨之多寡則晝多夜少按赤道之

處而言則愈近而愈多也况潤萬物者莫大乎水故雨尤爲切要能減酷暑之炎暑能養源泉之滋生灌溉田苗澤及草木無不仰賴于雨也降于地上積流于河海借日曬之力變爲溼氣上騰復化爲甘霖下降或騰或降週而復始永無間斷一時或被風飄散亂一時或因地面欹斜週流無所不至其爲功于世也實大矣

雪論

雪者乃雲中蒸溼之氣將欲變爲雨點下墜先遇嚴寒而凝之也其寒不必近于地面而然如在空中溼氣停

留之處亦可凝結而成雪焉其色則白其形如絮紛霏
不一下落延緩極北之處雨雪極多且大甚至掩覆屋
宇至于極高之山所落之雪週年永不融化也

雹論

雹者乃雲中蒸溼之氣變爲雨點下降之時忽遇嚴寒
而凝之也其形常圓如同水點凡雨滴甚多相遇凝結
其雹則厚而且大能傷人物損害田苗其體沈重空中
不能停留故其下降甚覺急速有時則下落者如冰夏
日較冬日爲多也

露論

露者乃稠密之溼氣變爲極細水點夜間清晨在空中
下降者也其夜間所降者名曰夜露無非日落之後所
墜之潤液溼氣也其所以稠密之故乃因日沒而天氣
漸涼是以空中不能停留而緩緩下降也其降之時無
形無聲人莫見聞迨須臾之頃始覺沾潤又夜露所被
足以害人但其爲害有輕重之分皆因各處地勢不同
溼氣各異也其清晨所降者名曰朝露無非炎熱之時
夜間從地面所發之溼氣與夜露相聚而下墜者也其

地理備考卷二
三
氣因夜間清涼搏聚稠密其勢不能上騰高遠迨旭日
始旦之候而天氣則漸熱漸散是以空中不能停留而
緩緩下降也其雨少之處朝露愈多亦足以滋潤萬物
至草木花葉之上清晨所綴水珠並非盡是朝露因草
木本體原有溼氣發洩乃彼此滙聚也且露水沾濡于
各物之上若不滲乾必因日而蒸為溼氣故日出天邊
上升無幾而露則盡為消滅矣倘遇天氣寒冷即結為
霜若積聚愈衆則被日光所吸即變為霧也

霜論

霜者乃遇寒而結之露也本非為雪其凝結則形如雪
霰凡落于草木庶物之上或似針豎或如錐立下注之
後始變成形若于空中凝結其體沈重則下降勢必如
雹但其降也無聲故落後而成形者也

霧論

霧者乃濕氣重蒸重凝下降或積聚之露被日所吸遂
釀為霧但為日光吸露而成者其散甚易此乃天朗氣
清之預兆也有時其霧甚重迷漫天邊究而言之雖為
蒸溼之氣而成但其體質並非甚密故不能為雨而下

地理備考卷二
降也凡多雨之處其霧亦盛潮溼之地較乾燥之處爲
多有時轉瞬卽消有時經日不散在北海之處雖秋季
天氣晴明之時亦常有大霧溟濛甚至一二步之外對
面不能見人日光亦不能透澈也凡鄰近有冰之處其
霧更爲濃厚焉

水論

冰者乃嚴寒所凝結之水也夫水本流行之物一凝則
靜而不動其體堅實必須剖之始開擊之方碎蓋水之
凝結爲冰其體較前微輕卽復化爲水亦不能照前之

重也而其性光明透澈一凝爲冰卽不透澈若復化爲
水則仍舊光明透澈也且凝結之量包涵甚大試觀貯
水之器往往被其鼓裂凡石罅中若凝結充滿亦可裂
開而山之崩墜亦或因其故且冰之堅脆惟按其所凝
之體厚薄耳凡寒冷至極則凝結之水可以堆積如山
距赤道數十度之處見于海面者甚高且大宛如巨山
半浮于水上半沒于水中冬令甚多如山相連春初以
及穀雨之時每有人近于其山迨穀雨之後則無人敢
近恐被融化傾墜而壓之也近于二極之處雖大暑之

時亦不融化也其二極之水甚多所以南方離赤道六十八度北方離赤道八十一度之處恆爲積冰所阻經夏不消有不能越而過者也

潮論

潮者乃海水之動而不失其常也每日十二時三刻四分必有二次之消長長足則漸消消盡而復長其長也則名曰上潮其落也則名曰下潮蓋日月衆星皆有吸水之力視遠近爲微甚而尤近于地者乃月是以地球週圍所包之海水凡在月正對之下者勢必被月吸起

故各處地方月至當頭其處海水必然長高其長則爲上潮也但各處地方上潮不惟月至當頭爲然卽月至下面天頂其上面地球之處亦如月在當頭仍爲長潮可見月至上面天頂上面地球正對處長潮而下面亦長月至下面天頂下面地球正對處長潮而上面亦長蓋地球上下二面各處正對之水其與月相離至近者則月吸之甚力其潮上起其與月相離至遠者則月吸之不力其潮下墜勢必相離于地球中心而較週圍各處之水逾高愈下所以地球上下二面之水各爲增長

地球各處地方凡距上下二頂各九十度之間者其海水一上一下分流勢必消減而並落其落則爲下潮也又因月行于本道每至一午線之上必經由二次一則于上面一則于下面並須十二時三刻四分方能一週是以四海之水十二時三刻四分二次消長焉夫潮每一月之內定有兩次消長較平日爲尤甚名曰大潮卽在月之朔望則然蓋因朔日之時乃日月相遇交會並在一處其所相吸之力更大故地球上之潮其上也甚高而下面之潮其墜亦甚大也望日之時乃日月相

距間對列在兩邊其所分吸之力亦大故地球上之潮其長也較甚而下面之潮其墜亦較盛也其長旣較平日甚大而其落亦比平日尤低理之所必然也又每月之內定有兩次消長較平日爲尤小名曰小潮卽在月之上弦下弦則然蓋因上下二弦之時日月相距九十度之遠若月與潮長之處正對其落處乃日正對之下若日與潮長之處正對其落處乃月正對之下其因月吸而落之水又被日吸而長其因日吸而落之水又被月吸而長兩下分其水勢然而月則近于地其吸力

較大日則遠于地其吸力較小故此時之潮雖長而不能大其但因月吸之力勝于日吸之力而然者也再大潮每年之內有二次較各月尤大小潮亦有二次較各月尤小即在立春立秋之時則然蓋因凡至是時日近于地而其所吸之力較大所以潮之或長或落較他月為尤甚且潮之長落乃因乎月故時常與月相隨由西而東焉是以月每于朔望而至一處午線之上其處即為潮長次日月則必須遲至三刻四分方能再至是午線上而潮亦必須遲至三刻四分是處始能再為長也

故凡各處十二時三刻四分之內有二次之長落六時一刻九分三十秒有一次之長落也凡知一處每日長潮落潮之時以後每一日多加三刻四分即明曉矣日晷遲總以三刻四分為度然潮之長落因地球並非四面盡皆包涵于水故各處不能相同况且山峽洲島攔阻水流所以潮或高或低或大或小或長落或不長落之別也

水流論

夫海水之動前于潮論已為詳釋此外尚有別動之端

其名曰流而流之動與潮之動迥不相同亦不相碍其故皆因地球本體西向東旋是以洋海之水其流皆常由東而西但爲山峽洲島之阻隔不能盡屬順流故有分岐或變爲南向北流北向南流西向東流不等然終歸一派仍西向而流也總而言之其各流甚急且大常令舟行退回十分險要故駕舟之人凡過其處務宜預爲留心防備以免失路遲悞之患也

泉論

泉者乃水之根源爲落雨融雪而成者也屢爲試驗凡

江湖河海上騰之溼氣在空中旣變爲雲按天氣之熱冷而積聚化雨復因凝結變爲雪霜等而下降也前已釋明無可疑義夫雨雪等凡降于地面或仍變溼氣復爲上騰或遇罅隙滲入地中其入于地中者日積月累漸漸聚多及日久勢必由地之穴孔仍復鑽出其在山上者則爲山泉又名瀑布其在地中者則爲井泉又名地水其泉凡遇久旱之時則必爲涸竭卽或有水外出亦甚微弱迨雨雪下降之後而涸者復流微者復湧可見其所以成泉者總以雨雪等爲本也又有不關乎雨

之落與不落而夏日則流冬日則涸者此乃因雪之故也蓋夏日炎熱其雪融化而滲入地中可以補其水氣之不足故見流也冬日寒冷其雪凝結而聚于地面無以濟其水氣之不逮故見涸也又有改流他處而本流之處盡涸者此乃因地震之故也蓋凡遇地大動之時將地中水路彌塞而他處又新綻裂故泉水由彼而流出也況水之來路不必皆在接近之處而流出或有數十里數百里不等者倘于中塞斷其出水處必然涸竭自應又從他處而流出也凡出水之處並非山頂或在

山谷之中或于山坡之上其流若由高而下必有別山更高居其臨近之處方能然也若在沙岡土阜之上均無泉水倘或掘地爲井皆可得泉雖有大小之分深淺不同而無水之地亦鮮矣

河論

夫泉水相合而爲澗爲溪澗溪之水相合而爲河爲江故河者乃澗溪之水滙聚而成者也或澗或溪或河或江其水皆流終歸于海所以海水之與地水彼此運動週而復始也河水既入于海由海邊以至河源其地勢

地理備考卷二
三
自必次第漸高故河水之源總出于高處也且河身自
來源至于海邊有數百里之長者亦有數千里之長者
遠近異勢大小異形但其河身愈長而其地勢愈高也
至于其水流之性有洶湧而急有遲滯而緩各自不同
但或急或緩其水面之流較水中之流爲更急水中之
流比水底之流爲尤急也

地震論

地震者乃地內硫磺等各石類之燃燒也實爲天下至
兇險之災人欲防之而不能避之而不得亦莫知其動

者至于何處其預兆甚速難以逃匿倘或有時尙可以
趨避然亦不識應至何處之爲宜也其爲硫磺等各石
類燃燒而成者已有實據可證西域有嘍唎哩者將鐵
末硫磺與水三者和勻通共約重三十八斤掘地爲穴
埋于其中越數日其鐵末等發起以致地面震動墳起
且有火焰發出也又乾隆二十年大西洋京都地動甚
危所受損傷傾覆之害自古罕見且地面綻裂非惟一
處從地縫中所出之黑塵劫灰甚多皆有硫磺氣味其
縫中或有水翻滾亦有硫磺氣味總而言之凡地中有

溫泉及硫磺等各礦其處則必頻頻遭地震之患也所以然者乃地中劫灰硫磺各石等其性不一有相合者有相反者譬如灰與水二者之性相反若兩相值勢必然而驟發其在地中者亦然凡相反者一遇聚合卽爇燒爆發若地中之竅寬濶足以舒其所發之性則無地動倘地竅窄狹不能舒其所發之性其發必將週圍搖動爇盡而動方息也又地中有一竅爇燒而臨近各竅亦必被其殃及譬如火藥若有少許引線一處爇燒而各處亦必被其殃及其在地中者亦然故凡地動一處

既動而相離數十里之遠近者轉瞬之頃皆動也又凡地中各竅既燃其上面週圍之處均爲搖動譬如以重物擊壁之中心其壁之上下兩旁週圍必皆震動因其體之愈爲剛硬者其震動愈遠而地動亦然也再地動有本處之動而震動他處者有他處之動而震動本處者凡本處之動上下搖動其動也大他處之動兩旁搖滉其動也小再凡地動之際皆有聲響其故乃地中爇燒其氣發散之音也再凡有地之大震必有各預兆于其先其一天邊有黑雲出現緩緩上騰彌漫空中其二

地理備考卷二
三
地上酷熱上騰之氣被其散漫而大風暴發其三天氣極熱微風不動所有萬物無不煩燥也故凡或風暴或地震必先有異兆卽天地寂靜萬籟無聲而樹木無風自動此皆危險之將至也再凡有地動大作之時彼處所有河海之水必然暴長汎濫蓋因地一動其水不能均平無偏故有或長或落異于尋常者譬如一木桶其中有水滿貯若置之不動則所盛之水四圍平正倘將木桶搖動其中之水勢必兩旁混蕩一起一落漫溢于桶之外越少時方能如故在地之水亦然但非地震之

甚巨者則不爾也總之其震動之或大或小皆非意料所及誠爲天地間非常之奇變也

火山論

火山者乃地中之火由此發竅而出之路徑也其穴口之所吐者于烟火中並有浮石温石等隨火發出而所出之烟常爲黑色亦間或有白色者灰燼渣滓往外飛騰者甚多有時上騰空中密密如濃雲以致在臨近之地皆被其遮蔽日光而不明也且火山有高低不等或高或低無不有漿水噴出其低者則火由穴口發出而

高者則山旁綻裂火由裂縫外出其山中噴出之石灰
 漿水等山之愈低者則愈為常有愈高者則愈覺罕然
 蓋天下之火山現有火出者大小共六十八處其在洲
 上者二十有八其在島中者有四十今已無火其形仍
 舊者大小共九十二處其在洲上者四十有五其在島
 中者四十有七後釋其地再為註明

終



新釋地理備考全書卷三

目錄

邦國法度原由政治貿易根本總論

新釋地理備考全書卷三

大西洋瑪吉士著

邦國法度原由政治貿易根本總論

地理志一書原以解釋各國為本而各國古今之稱謂各殊先後之人民迥異欲明各國源流必追遡曩昔是以不能不將自古迄今人類肇端畧述其梗槩以備閱者得以洞悉各國本末之情形也夫天地開闢之事各國傳述紛歧以太西經史較之則大旨相同惟年數差異皆因日久無稽遂致以訛傳訛故印度國相傳自開

關以來已越四百萬餘年
哪嘶國相傳已越十五萬
年中華相傳自盤古氏起至燧人氏共八萬餘年
哪嘶國人則云先有吾國後有太陽
哪嘶國人則云先有吾人後有太陰
嘆吐哥國人則云天地始肇以來共有四日
球其三日球皆已消滅其第四日球即現在之日
球俟世界窮盡方滅以上皆荒唐不經之論甚為
謬妄况耕種炊爨製造諸存養生命之計各國經典
俱記其始肇年數如中國記伏羲神農黃帝之時創造
存養生命等具可見自此以前天地之始必不遠耳不

然自此以前既無飲食衣服諸事民將何賴而生
縱上古之人穴居野處茹毛飲血然亦斷不能有數
萬年或數百萬年之久且孔子刪述六經凡此無稽
之談黜而不道蓋經不傳疑而傳信也
粵稽太西綱鑑俱記乾坤始奠以來迄今大清道光
二十五年共計五千八百五十二載
愚按中華史鑑自本年直遯伏羲共計四千六百九十七載兩相較量自伏羲以至開闢之始但有一千一百五十五載耳
又按太西聖經天地之始第六日爰生原祖男名啞噹女名呢噠配為夫婦人類由是而始生此乃太古之事也自開闢以後越一千六百五十六年

曰吧唎囉呢啞是爲洪水後之第一國未幾有名啞嘸
咏者乃噲之次子也開創一國名曰呢咏味再越五十
九載卽夏后啓
七歲也卽有嚆噦之孫嚆嘶啦噠者創建一國
名曰呢咂渡後又建立四郡一名噠吧嘶一名噠喇一
名啞啡嘶一名嚆呢嘶設官分職秩然有序從此以後
衆庶蕃衍各居一方悖遺傳之聖訓叛天命之性教惟
啞囉啞一人仍爲虐尊真宰故特蒙上天寵眷擇爲兆
民宗主是年乃洪水後四百二十七載卽夏后不降
五十七歲也斯
時黎庶未修和好之情先尋爭鬪之釁彼此相仇載肆

干戈以強陵弱互相殘害是以咱咏啞啞國王名吡啞
嘸噤者爲舉兵劫掠吞并邦國之首然其麾下軍卒並
非衆多所以劫奪啞囉啞之一次獲物退兵之際被啞
囉啞率其家衆追及竭力戰鬪將該王所劫之物仍復
奪回越未久歲值凶荒啞囉啞不得已而棄其本土咖
啞啞遷赴呢咂啞國中彼時其地國富力強民康物阜
朝臣濟濟武備文修無不竭盡忠誠以輔其君實爲當
代諸國之冠昔日其地諸小國分據各不相屬至是時
則盡行歸服成爲一統故其君爲大國皇帝而嚆噦之

次子名喇者乃開基之鼻祖也嗣後歷代相傳以帝繼帝無不宵衣旰食以求治克勤克勉而爲國故政令日就純美法度遞臻完善越二百載政治咸宜典型有序分設郡邑建立閣院任賢使能以備會議軍機造庫修倉以爲積蓄糧餉由是則貿易寔興利有攸往而一國之人含哺而游鼓腹而歌得以安享其豐盛富庶之福也故文學技藝極一時之盛戰陣攻守得六畧之要其文武之法後則傳授與呃叻哂啞國人由呃叻哂啞遞傳與囉嗎國人由囉嗎再傳與今日噉囉吧諸國漸次

歷練日進精美呢咻啦與吧必囉呢啞久分兩國至啊蘇咻之子呢叻踐位有并吞之意求開拓之舉將吧必囉呢啞歸于已有合爲一國迨呢叻崩後其妻哂咻啦咻嘶緒承鴻業廣大邦基日漸昌盛是以啞啞啞一洲之地半隸版圖其邦名曰啞哂嚟啞啞吧噉之子名啞嚟者乃呃叻哂啞國之始祖其子小啞啞啞西方之海洲創設國基後有僑居之人由此地始赴噉囉吧諒必如是也哂哂啞國乃咻嘶啞者所建衆論皆云在洪水後二百五十八年之際即少康二十六年約逾九十載即夏后芒

年間始有哂咄渡國人遷入哂哂啞地方自改其名也
日哂哂圖謀于彼處安置另立一國卽照哂咄渡國之
政治法度措施但自有哂哂國以後所歷未幾卽爲潰
散而哂哂啞國人仍如曩日粗野之陋習後又有啞
啞數國之人移居其地將其國之鄙俗悉爲改易其
首自啞啞啞而來者一名噤啞啞一名哂咄咄于洪水
後四百九十八年卽夏后孔甲二十一歲在哂哂啞地方之啊
吟嚙嘶及啞啞啞棲止哂咄咄後代事蹟未悉其詳惟
噤啞啞盡心竭力將哂哂啞啞四方遊民善爲安集故

後嗣寢昌邦基孔固焉以上各國源流皆上古事蹟因
時代遠隔難以細考茲第述其大槩云爾
自嚙噤以後歷古及今政俗藝務互市交易由此而起
洪水之前各種技藝嚙噤噤噤當盡悉其詳迨水患之後嚙
噤必傳授與三子其三子亦必各傳與後人後人去其
先祖不遠所創立之國得以守其先人矩矱故未幾卽
有來往交接而于生計有益之技藝日進美善稼穡樹
藝上古之人業經通曉蓋嚙噤噤噤會栽種葡萄囉咯之時
啞啞啞地方已有無花果與杏二實也磁基器具未見

于呢喇啞地方之先早于聖經備載又啞啞同呢
咂渡之古國于創建之時必已有耕種諸務否則舉國
之人何以資生可見農事上古皆有之矣至貿易本隨
農業而興雖不能陳明上古各國始於何時通商交易
然按太西聖經所載片言畧及知其先必有貿易也又
按各國史書所載彼時互市未以金銀償值之先彼此
交易已屬熙來攘往可見以金利用太古尙未流通且
其時并未製造權衡無以定觔兩亦未有鼓鑄無以辨
真偽也迨啊囉啞時購買瑩地始以白金償值其後財

用日豐因人皆以銀易貨故鑄就記號花錢以分高低
之呈色而免平兌之煩瑣也至洪水後五百二三十年

卽商王太
甲年間也

已有商賈之說攜本國土物前赴呢咂渡等
各國售賣其所帶各貨除日用所需者尙有浮華靡麗
之物彼國皆盡能售賣可見其地羣生富足技藝精巧
方能貴用物而不賤玩物也凡論貿易之事必須辨明
水陸二路其水路貿易較陸路貿易爲較緩乃後所興
起者啞噉之後人居于吧嚟嘶啞海邊首爲乘舟航
海以便貿易事務故上古之人因別而名之曰客商後

于呢哂啞地方名曰啡呢哂啞人者亦即此人也原其所居之地土瘠不毛祇得學習技藝以利其處且彼處之人尤以生意為首務按古史言凡有裨于貿易者皆其所創在啞囉啞之時已為大國其水路之生意無往不利呢哂啞沿海各處地方皆彼國人前往貿易至如天文一學當囉略時即商王沃丁年間也即有數國得悉月循環復週之數始按月循行步推綜核若干月日以為一歲其以年分月以月分旬每旬七日者上古各國皆然蓋上古以牧羊為業之人恆居曠野仰觀天邊月

光每二十八日有餘則見其形週而復始故定四旬餘為一月其務農之人得悉每月日期必察覺越十二月四季之時令一週復始并無差異因定一年之期又按聖經所載上古已有觀恆星之事可見其時天文之學雖未精諳而所曉者亦不鮮矣以上各藝業俱為呢哂啞及啞啞數國人所精習者也

啞哂嚙啞與呢哂啞二國自建立以來日漸昌熾其中數百政令書缺有間今就啞哂嚙啞國而論自哂啞啞啞之子呢呢啞啞者嗣位即夏后不降十三歲也務于奢華不

勤政事因而國勢漸衰崩後雖有世三十年八百餘載
并無傳述之事其嗣君皆沈湎色荒驕縱無道朝政日
非罔有峻改者是以古史無所記載也就呃咂國而
論雖歷代皆有明君繼緒然古史但以彼時兵革之行
役國家之變亂為著述記載故其歷代之賢君善政美
舉均未及殫述焉自啞啞啞啡嘶溺斃紅海後即商王
祖辛十
二祀也 晒唎嘶啞哩嗣位乃為該國賢明之君克勤克勉
盡心政治故武備文修極一時之美當其臨御及乃子
乃孫嗣緒之際呃咂國為當世至強其國人約二千

七百萬餘口惟古史彰著炫人耳目且自晒唎嘶啞哩
登位迨至啞啞嘶臨御之時其間共有七百一十一
載其國歷傳各王名諱不能盡悉該國尚遣人民自本
國遷赴他處開創國基故啞唎嘶嘶國得為聲名文物
之邦實賴晒啞略于洪水後七百九十五年間即商王
外壬十
二祀也 率呃咂國晒啞嘶人前赴彼處地方建國移其
粗陋之風易其鄙野之俗也在晒啞略未至之先啞唎
嘶國人尚不知禮節不明人倫者得晒啞略化之而
風俗丕變迨晒啞略殂有啞啞嘶者仍循其教化之

方勤勉訓誨故其國人得以油然向化也方哂啞咯及
咖啦噶嘶于啞噠喇嘶國教化其人民之際而前已受
哂啞嘑與啞啞啞各國人所教哂啞啞哂啞地方中之數
國均已秩然有序故是時卽商王沃甲十三祀也有才能兼備眾
所推服欽仰者名噶噠啞啞噠噠運籌畫策欲將哂啞啞
所有不相統屬之各國盟會和好以免彼此吞併而禦
外侮乘勢侵伐卽以所籌備之策布告于列國之君繼
則逞其才辯游說各國因得十二國聯屬會盟彼此互
相保護嗣後每國遣使臣二人每歲二次前赴噠啞啞

吡嘞地方會聚公議凡有裨于各國之善政立即酌定
遵行也噶噠啞啞啞因思欲延國祚綿長必須立教遵奉
遂將噠啞啞噠噠堂并諸善士歷獻積蓄衆多之資財交
出俾會十二國之二十四人管理焉夫設此會聚之舉
根本堅固實爲哂啞啞啞諸國之元機且諸國雖不歸
爲一統然而緩急相關共享福庇于無窮也緣其彼此
相合併力禦侮是以啞啞啞啞國每每興兵侵奪其地
無不敗北爲其所勝焉其會盟之計誠爲當時之妙策
也因此哂啞啞啞各國昔者皆不相合彼此侵奪時有

兵革不休今則盡為和睦彼此保護永得昇平之利是以偃武修文經商貿易越二百餘載後即殷王祖甲年間駕舟載運本國土產貨物前赴各處貿易無往不利日漸昌盛并各帶本國之人至噶喇哈斯等處地方創建新國也若按呢喇哂啞各國未曾結盟之先而論每國各有領袖以主之興兵之時則為元帥治國之事則為主君判斷其詞訟首理其祭祀但不能擅自專主耳蓋每國之人皆分若干部落每部落各有首領其部落首領之權勢亦不為小每有不相和睦之時各率其所轄之部

落彼此互為戰鬪或遇君命逆其私意亦領所屬而攻擊之如此情形為君者實無威服之權柄為臣者恆有犯上之悖舉上下交征危亡之禍不從此而起乎故噶喇啞不能不盡心竭力孜孜教導諄諄勸勉以改移其惡習也由啞噠喇嘶國之事可見凡國之勢不合則弱而衰雍睦則強而且大也洪水後一千一百一十七年即殷王庚辛六祀也啞噠喇嘶國王名噠唎者武勇絕倫才能廣具是以聲名遠播揚溢四方因自思本國向分十二部落于政治事務深為不便自身既具有為之才力復

操可爲之權柄若將凡有阻碍不利于國政者盡行削除毫無掣肘自必成功也因此急爲圖謀將已得庶民之心初則保而守之繼則堅而固之復儘力離散其附和首領之衆又裁汰國內之各衙署惟建會議公堂一所至其所恃者不但新立各章程之舉並且設立禮節招徠四方恩結遠人輕稅薄斂懷柔撫綏是以其處昔爲彈丸之地茲則漸爲昌盛竟成通都大邑故其國其王較哂哂啞各處更爲盡美盡善日增光榮國中大權盡歸于一人統制而各部落首領以前之強霸鬪狠

衡行無忌擾亂國政今皆漸爲凌替焉嗣後啞噠喇嘶一國得以永享昇平之福也此爲聊述哂哂啞地方中一國大槩之約畧其餘各國亦相仿之惟啞噠喇嘶國本無自操悠久之運未幾卽有新興勢力者將一國之人心引誘轉向雖國君及各尊爵之力亦不能勝之也蓋噠啍以啞噠喇嘶一國之人分爲三等其一則爲尊爵紳衿其二則爲百工匠役其三則爲農夫庶民因一等之人權力甚大思欲削滅其勢故于二三兩等之人逾格恩施廣霑德澤迨其崩後嗣位之君名噶噠略

嘶率由舊章仍錫厚惠因此下二等之人一則蒙君殊恩實增榮顯一則百工技藝日進精巧是以產業興隆資財豐裕漸漸昌大無所仰賴于人心志高驕輒欲專主于已及嘒噤略嘶崩即周康王十五年也其二三等之人以此後必無如先君宵衣干食保愛元元之賢者足以克當重任而登大位故欲乘此際遇削除國內名爵遂揚言惟叭唼噤唻為本國之君更無別主也叭唼噤唻者乃該國供奉宗神之首也其揚言叭唼噤唻為君者即不欲更立國王也遂立會議官長以執政事嗣後有呃嘞晒啞之別國名曰噤吧嘶未幾亦效其所為

驅逐國君設立官長也原噤吧嘶國係咖噠噤嘶者于洪水後約一千零六十七八年間即殷王武丁年間也帶領啡呢晒啞國人遷于是地所建立之國也其國自開創以來歷傳皆為國君相繼嗣緒至國末之君因與隣邦戰鬪軍旅敗北故其國人亦效啞噤唻嘶所為乘機裁革王爵也從此呃嘞晒啞地方中其餘各國盡為效尤紛紛逐君革爵設官秉政也再啞噤唻嘶與嘶吧唻噠二國彼此各不相下當時較別國甚為超卓遂將呃嘞晒啞各處之風俗民情政治事務倡率盡為改易是以不

得不復述其變亂之事逐一分晰詳細陳明也蓋啞噠
喇嘶國末君名呀噠略嘶者崩後吾儕居今稽古得窺
其無君專主之心初則萌于啞噠喇嘶國人後則滋蔓
于各國也惟啞噠喇嘶國人雖然革除國王之名爵實
未盡削國王之權勢因設立官長一員常存不易名之
曰啊咄吁威勢權柄約與國君相等其官仍係呀噠略
嘶後人歷傳繼緒迨日久乃思本國既得以自專之地
今立啊咄吁官執掌國政永不更換與君有何異哉所
以自立是官越三百三十一載即周平王三十六年也該國人復

爲圖謀仍用執權截短年限削減其官職分位遂議定
每官以三年爲期任滿卽行更換究其國人之心尙未
厭足而專主之欲愈得愈驕遂蔑視其君是以越五十
五年即周惠王七年也又議每歲立官九員以任其職係公議
選舉者于任滿卸事之時必需述職于民每至更換之
期常有危險之舉不能善爲結局也以後啞噠喇嘶國
人惟以自主專擅爲心縱性強爲肆欲靡度無所不至
是時該國尙未立法度其前王之制雖隨事屢行更
易漸爲裁革然專主之心一時興起亦不能拘束其悖

亂之性情因此國中諸才智之士始思定立各等政治
 視平昔變亂不啻妥善者無不仰望嗒啞啞才能畢
 具足任創造法律之事可以約束本國人狂猛刁抗之
 性惟嗒啞啞之為人雖才德純粹然性氣甚嚴遂于議
 立九官之後越五十六載即周襄王二十四年也纂修法制但其
 所立之法過為嚴酷故古時之史官有言曰嗒啞啞所
 書之例條誠為以血寫就並非墨迹書成蓋罪無大小
 盡定斬決其法實如火上添油愈增變亂越數十載以
 至峻喻之時即周靈王年間也蓋峻喻者乃望族之人係當時

俊傑舉止良善才德兼備誠為出類拔萃故諸人公議
 推其為定立法度者之首而峻喻雖為公眾議舉但自
 心久為躊躇不肯慨然承任嗣後因念此舉實為一國
 公便定立雖有諸多掣肘終不可因私廢公是以立意
 料理修改律例除殺命擬抵之罪外所有嗒啞啞定立
 之例條盡行刪革另創國中法度漸為修纂改削期于
 平允妥協遂將一國之人按資財之多寡分為尊卑貴
 賤之四等其四等至貧卑賤之人不得為官作宰但凡
 有通國聚集會議緊要公務其人亦可參以己意以定

其事峻論又恐通國皆得會議人多語衆勢必紊亂有誤于公因而另建議事廳大理寺二署其議事廳定額四百人每等之人一百名凡有應與庶民會議之事斯人預為籌脩其大理寺乃才能幹員公議會聚因其人正直廉潔智慧練達赫然著有威嚴之名素為民所欽仰倚賴故民無不言聽計從也且此等仕宦之人並非民間任意揀選者必須訪其名望察其素履果真見為才德之實然後公議舉之為大理寺官員此乃峻論所定國中政治章程之大畧其餘各國于斯時多有效其

舉以定國法也茲不及贅其嘶吧咿噠國別名啦噠噠嘶呢啞因其國之制度于別國不同故不能不撮其要而著述之原嘶吧咿噠亦如呃叻哂啞分為列小國每國各有其主而天子則名喇喇嘶為第一代之首君踐位在洪水後八百三十二年即商王祖乙七祀也歷代相傳越四百一十四年即周成王十一年也至一代有兄弟二人者一名啣哩時噠哪嘶一名啣囉喇嘶嘶同登君位嗣後相傳嗣君皆係二人登位至九百年之久其國永為二君此事深屬奇異迨噶嚟呃啞嘶踐位之時即秦始皇帝年間也復改

一人繼位為君也若論其國之政令自開基以來并無
新奇至立法名士喇咕哞哞之時即周夷王年間也國政始為
盡美盡善也而喇咕哞哞所立之法度規條與前詳之
啞噠喇嘶等國大抵相同蓋議事廳及庶民會議等署
以為護庇元元而免擅專自主之情者亦皆有之其與
啞噠喇嘶等國大相懸殊者惟國有二君耳雖國君權
勢有一定限制不能逾越然國君爵位乃歷代繼緒世
襲罔替也更有一端喇咕哞哞立法以安一國之民即
行兵之役亦皆為之顧料而不遺也是以奢侈華麗及

凡可以蕩人心志逸人性情之物盡為嚴行禁止銀錢
不准行使飲食祇許糲糲幼者則教之以尊老敬長壯
者則教之以操兵練武故其國人不以戎事為艱辛及
有軍旅之役而猛勇爭先強悍善戰其無敵之勇誠言
語莫能形容也至喇咕哞哞之法度久行于嘶吧哞噠
國中未嘗改易若啞噠喇嘶國峻喻所立之法度因遭
叱哞嘶噠啦哞之暴虐狎侮侵位篡國僭竊為王盡為
廢弛故不能如喇咕哞哞之悠久也當其時哞哞哞啞
國王名噠嚒啞者生貪嗜之心興兼併之意况又有啊

噶喇吧人噶叱啞嘶者被逐奔赴其國而憊憊之並
圖報復啞噶喇吧人燒毀噶叱啞嘶村之仇因而興
兵數萬征伐其國是時乃周敬王十六年也惟啞叱啞啞之士卒或
奢華過度或僕役辛勞是以精神衰弱筋力疲憊不能
如昔年啞咯在位時伐啞啞之勁旅也而啞噶喇吧
國中尙有英傑武勇之士心存報國庇身之念迨啞叱
啞啞國人引步軍十萬馬軍一萬前來攻擊其國人惟
率兵一萬迎敵戰于嗎啦哆哪地方大獲全勝敵軍敗
北奔潰約逾二十載啞叱啞啞國王噶喇吧之子名噶

啞噶喇吧者志圖報復親自率領馬步舟三軍二百一十
萬眾復攻啞啞啞之啞噶喇吧等國以雪先仇更思
吞併被啞啞啞各國人奮勇衝鋒背城一戰其水陸
二軍盡爲敗績國王噶喇吧乘漁舟潛逃奔赴啞啞
啞地方此次之戰雖係啞啞啞得勝實爲榮幸然而
其國日後之禍患皆由此勝而興也蓋非爲征鬪時喪
失其英勇之士卒乃國戰勝後厚獲夫敵國之貲財並
非戰陣之時軍民等艱辛勞瘁實係罷戰之後與敵國
來往交接以致啞啞啞各國盟好因其離間而彼此

背叛國人因滅敵仇而驕矜無忌交相爭鬪彼此侵奪
 均由覬覦敵財起意各生貪得無厭之求因此始有啞
 噏訥嘶與嘶吧啞噠二國為首背盟侵伐而牽制各小
 國互為附和是時乃周考王十年也由是各國相為仇敵干戈不
 休紛紛滋擾漸入變亂甚至國貧民弱盡為衰微不可
 勝載也越九十三載即周顯王三十一年也遂有嗎嘶哆呢啞國
 王啡嚟啤者乘無準備之地率兵潛襲盡降其眾乃為
 哂叻哂啞通國之主夫此舉為古史中第一不以戰而得
 之者也蓋啡嚟啤竭其計巧盡其詭謀預以賄賂收買

人心復以重餌要結人情並多方慫恿煽搖蠱惑使通
 國之人皆墜其權術而哂叻哂啞各國歸于其有此國
 盟會根本之義盡為喪失庶民會議之舉從風而靡國
 中宣布教化之人皆以貨取而賡颺新君雖有噫嚟吐
 啞訥嘶一人忠誠無匹才德超卓盡其生平才辯之雄
 談竭其濟世匡時之深畧奈孤掌難鳴羣小撥亂期必
 中之方亂民心曲用阿諛之詞移人志向啡嚟啤立意
 開闢其所屬疆土越于哂叻哂啞國界限之外但因其
 克後早殞未果如願其子名啊嚟吡噠哩者嗣位後除

步理備考卷三
三
啞噠喇嘶噠吧嘶二國外所有呢喇哂啞地方中各國
公立之為主帥以伐喇哂啞國而啞噠喇嘶噠吧嘶
二國尙不欲歸其統轄奈眾意難違祇得勉從所以啊
喇哂噠哩疑懼之心盡為解釋爰率步軍三萬馬軍五
千前赴喇哂啞國征勦焉其大獲全勝望風臣服不
但呢喇哂啞所識之國卽素不知名及並無傳聞之天
竺諸邑等處古今史中無不詳細註載其緣由誠為天
下之奇傳也啊喇哂噠哩屢戰屢勝未逾數載遂崩于
吧唎囉呢啞國是時乃周顯王四十六年也嗣後其將軍等專務從

彼貪位之私心不顧恤其眷屬之繼嗣將其所統轄之
國互相分割占據其間事務紛繁茲不多贅惟接述呢
喇哂啞國人之技藝學問後則續言囉嗎國之事可也
呢喇哂啞國自哂咯嘶臨御是時乃周景王七年也至啊喇哂噠
哩登位之時卽周顯王三十五年也共二百零四載其間文名顯著之人
不可勝計二百餘年以來百工技藝漸皆進于至精至
巧無以復加雖東方之人建造宮室堂宇赫然高大而
呢喇哂啞國人則美輪美奐更爲超越壯觀誠爲天下
第一工作之極盡巧妙者也叭唎噠哂與啞喇之廟

地輿備考卷三
三
堂二所爲第一精美工程啡哩咄嘶者乃其國爲首雕
刻名匠工作之美名傳後世迄今猶爲稱讚不休也咄
哂嘶吧啦哂呿嘶啣囁噫鳴嘶三人爲當時丹青妙手
繪畫如生哂哂哂啞國各種詩書文字最爲奧妙今之
披覽者難以澈達也且其國之人不獨工于務藝卽格
物窮理者亦不缺乏除唻呀咄才學淵博道德純粹
爲衆所欽仰者之外其門下弟子一名吧啦啞一名啊
哩吐哆噫嘞一名哈唻噶噫者亦皆仁義兼全才德備
具也緣其國中才德之士甚爲衆多若逐名備載實難

完竣今惟述其國人于軍旅之事日爲學習而兵丁之
出戰原爲愛國保家顯姓揚名故奮勇爭先並非因懼
其長上之督催也是以前者與咱哂哂啞國戰鬥時兵
數雖多少懸殊亦敢勇往迎敵而得大獲全勝此乃本
國前人立法盡善之美故能如斯也

囉姆咯者乃創建囉嗎國之人也

建立時乃周平
王十八年也

若按

其聚集不過數亡命匪徒奸滑游民而觀之則甚爲非
關緊要之事也若按其建立至大至強之國使當時所
有各地方幾盡爲歸附一興一衰爲嘸囉吧二次大變

而觀之則彼舉止措施不能不深為關係也原其人之性情甚向于武況且嘯吠喇啞地方本分列國雖皆為禍小然各不屬轄其政治與凡有武勇之才者實為利裨之場是以囉喙略與諸隣國非甲卽乙時常爭鬪不休而戰陣乃為其人之專務冀圖此可以自為昌大而養育其身也惟囉喙略與隣國征鬪其所守之法乃為囉嗎國人日後所常守者因而得以日漸昌熾而王于天下也蓋凡戰勝攻取并不屠戮勦滅反將其人民地土合于本國而為一所以囉嗎國每戰勝一翻勢力愈

增一翻其所令隣國之民日見加少而本國之民則日見加多也凡與交兵之國若見其所用之軍器韜畧均勝于己卽將自用者盡為棄置而效從彼國者也又因各敵國之諳練日為經歷以致其國人漸皆用兵井井遣將肅肅是以囉嗎國富力強民康物阜也且囉喙略雖恆與隣邦戰鬪而國內政事永無怠荒設立議事廳一所以名譽顯著才智幹練者百人會議商辦又創立法度章程以理政治以束人欲凡朝政國事無不盡心竭力圖謀自開基以來越三十六載

卽周桓王三年也

按古史

地理備考卷三
三
所載者而測度之大約被其所派議事百人之中者私
弑焉以後嗣位之人皆出類拔萃非凡之品者也叟嗎
繼緒踐祚爲其後之首君臨御以後設立本國教規禮
節復啓諸國人心以敬遵盟約之禮永毋違背本國軍
法以此爲要其後四人一名嚙略嚙吐叟嚙一名唆呀
嗎叟叟叟一名噠叟吧噠吡嚙嚙一名噠叟叟叟叟
嚙執掌邦畿之時均爲賢君無不專務開闢疆土富國
強兵以光前裕後也迨七世之君名噠叟叟噠叟叟叟
叟者敗亂倫常篡弑妻父噠叟叟叟叟叟僭竊踐位爲

君時殘忍暴虐無道已極其子名噠吐叟噠叟叟叟叟
強姦汚命婦叟叟叟之妻名噠叟叟叟叟者以致通
國之人羞辱難堪均爲激怒卽將其父子眷屬盡行驅
逐出國嗣後并君位亦皆裁革永不拱立也惟因常與
他國軍旅從事不能不推立主帥以爲領兵之首是以
另立官長二員代理國君之權務每屆一年期滿卽爲
更換此舉于囉嗎國實深裨益也蓋是等官員因所操
權勢不能長久皆欲行一美舉以留名望于後也其新
任之官更爲盡心辦理以爲超逾舊任之官故囉嗎國

人日爲率領攻討各處新結仇敵若論其國之人性本
向武爲勇敢所招無不暱勉從事通國之人皆能充當
兵卒強悍善戰衝鋒對壘原爲捍衛疆土保護妻孥越
數百年之久能爲噤吠喇啞一帶地方盡歸于版圖之
內何足怪哉夫囉嗎國人見內患已平更無近仇交戰
始顧外方遠處之敵因觀咖叻噠嚨國實爲勁對之雄
者也原咖叻噠嚨國係啡呢啞啞國人于洪水後一千
四百八十二年卽周厲王十年也遷赴啞啡哩啞州之噤吠喇
啞啞卽中海地也海濱所建之國在囉嗎國一百一十

六年之前斯國之人仍按其開基之祖以貿易駕舟爲
專務無不隨事而應噤吠喇啞海濱兩邊皆歸其掌
握除啞啡哩啞海濱一帶地方幾皆爲其所有此外其
所屬之地已延及噤囉吧之噤吐吧呢啞卽大呂宋也如此
其權勢赫然以致海面皆歸其管轄貿易盡屬其統率
遂將噤吠啞啞與噤吠啞二島俱爲占據嗣後復
謀侵奪啞啞哩啞島是島之人難以自行護衛而囉嗎
國人被其恐嚇一時殆不敢興兵阻截自此以後囉嗎
與咖叻噠嚨二國常常兩相結抗永不休息且咖叻噠

地五... 卷三
嚙雖然國勢富強究不能比勝于囉嗎也蓋咖叻噠嚙雖已成巨邦之時囉嗎猶爲蕞爾褊邑然咖叻噠嚙國則風俗敗壞人民衰弱而囉嗎國則正當初建政治精勤咖叻噠嚙國則招募異鄉之人充當軍卒代爲衝鋒對敵囉嗎國則盡係本國之民嫻練軍旅禦敵保國衛家是以二國雖甚相懸殊其以此伍戰豈能禦之哉彼兩國初次之戰綿延二十三年之久囉嗎國實因此戰始學其法而習水戰以先則未之諳也彼時有咖叻噠嚙國船一隻遭風損敝于囉嗎海濱囉嗎國人則以斯

船爲式三閱月卽造成師舟一帮噉噉者乃當時在任之官率兵駕舟始與敵國水戰而大捷焉其二國爭鬪之始末茲不及贅惟按噉噉囉之舉止可見囉嗎國人志高義重實莫有能及之者也蓋噉噉囉當兩國交兵之際被咖叻噠嚙國所虜監押令其旋說本國之人願將各俘交換彼回國至議事廳不第弗求交換並激切而言曰本國法度凡出戰疎失被俘于敵者從無拯救返國之例語訖遂毅然仍回敵國就死毫無懼怯願戀之情也至于咖叻噠嚙國雖習俗疲憊然仍不乏才

智幹練之人而囉嗎國與凡對敵者從無若啊呢吧咄之驍悍也斯人乃咖咄噠嚨國者其父名啊咪喇咖咄于其童稚之時以與囉嗎國人永有不共戴天之仇啓發于其心如此命衆備辦公祭獻于叭必噠咄之前並率其子啊呢吧咄至祭臺前詢其願否隨父征討囉嗎國是時啊呢吧咄年齒雖屬幼稚志氣素具勇敢不但甘心首肯並于神前發誓即求父以戰陣韜畧教誨父曰爾若誓于神前嗣後與囉嗎永結莫釋之仇吾即欣然訓導于汝啊呢吧咄立刻遵依嚴命而誓之且此次

明誓公然安敢違背自茲以後靡能動搖而移其志向也啊呢吧咄至二十五歲之際本國公舉爲帥膽敢引軍渡呢咄略河越吡嘞與啊咄吡嘶峻極之嶺未幾即抵噠叭喇啞國進兵攻勦囉嗎國禦之連敗四次勢將傾頽危在旦夕幾不能保存疆土也晒晒哩啞之人皆投降于啊呢吧咄麾下晒啦咕嚨之君噉囉呢摩者乘勢亦背叛囉嗎國焉至于噠叭喇啞一帶地方殆皆乘勢遺棄囉嗎而叛離也如斯狼狽已極而囉嗎國之幸存者賴有三傑士一名噉吡啞嗎晒摩一名嗎咄噉

囉一名晒吡噶設法保護始免歸于敵人之掌握也蓋
囉嗎國于敵兵臨境之時通國之人衆口嘈雜鬪心激
切卽欲迎敵堵禦而噉吡啣嗎晒噤則置若罔聞惟濡
滯游戰以老其師暫爲羈縻于前亟圖振發于後整頓
戎行備辦軍需也嗎吡噉囉則率兵圍困噉啦地方復
收服晒啦咕噉城後因本國兵丁屢戰勞瘁志氣隳頹
精力疲憊卽勸勉激勵以鼓其氣以壯其膽也斯二人
者囉嗎通國之人無不褒獎欽慕焉至于晒吡噶則尤
爲奇異超卓緣其戰則必勝攻則必克動作咸宜無不

遂欲而獲故黎庶擬其由天而降常與神仙交接而其
舉止如此愈令人堅信也至二十四歲時前赴噠吐吧
呢啞國征討新啞啞噠囉隨攻而拔勢如破竹是年乃
秦始皇
帝末復往啞啡哩啞征勦旂開得勝馬到成功靡不納
款投降又率兵直進啞啞囉其國人心惶惶深爲悚
懼束手無策莫能禦之軍卒敗潰人民糜爛十六年之
前啊呢吧啞凡與囉嗎交兵無戰不勝至此時本國之
人不得不請之旋師護衛國家乃徒費辛勞亦無濟矣
後則納款送質歸其屬下並立若無囉嗎國之命永不

准擅自與別國交兵之約

是年乃漢太祖高皇帝六年也

囉嗎國未伐

咖唵噠嘑之先戰則甚多勝則無幾追伐咖唵噠嘑之後戰則無幾勝則大捷當斯時諸國分而爲二一則爲囉嗎與咖唵噠嘑二國戰鬪之場一則乃啊嘞咄噠哩崩後麾下將軍等分據其所屬之國互相爭鬪之事迄今擾擾未休呢嘞晒啞與呢咄嘞及啞啞啞東方三處乃爲其戰場也至于呢嘞晒啞各城于是時得免他國之管轄分爲同盟之三國一名呢哆哩啞一名啞啞啞一名咱啞啞此三國公同會議官長勢力之至大者

乃呢哆哩啞也而嗎嘶哆呢啞國君仍爲其地之長當時之君啡嚟啤者因其數爲暴虐之舉喪失民心呢嘞晒啞國人均爲嫌棄而呢哆哩啞國人則更深憎惡探聞囉嗎國人之兵雄戰勝卽迎請其師至本國協助驅逐暴君啡嚟啤者出國呢嘞晒啞國人得囉嗎國舉兵相濟遂勝之但此勝實于囉嗎國大有裨益也蓋嗎嘶哆呢啞國之軍卒盡被逐去歸國並令其國君啡嚟啤納款輸貢于囉嗎而呢嘞晒啞各處又不能自爲專主其權柄皆歸于囉嗎而爲之藩屬也呢哆哩啞國人後

覺舉動之錯誤卽圖更易以補救而其運籌之計策于
本國則愈爲危險于囉嗎則更屬裨益也其人因初則
迎請囉嗎國兵相助得以逐去啡嚟啤者今則再爲迎
請哂哩啞國君名啞啲啲者率兵前來衛助以爲驅
除囉嗎國人此際啲啲嚟嚟國之啞呢吧啲亦往哂哩
啞國求助蓋因啞啲啲者乃東方至大權勢者昔啞嚟
吡噠哩于啞啲啲所有管轄之地茲亦盡歸于其掌握
也而啞啲啲者雖然啞呢吧啲告以囉嗎國人于噤吠
喇啞地方最爲易破等語仍不欲赴噤吠喇啞故不允

其所請但率兵無幾前往哂啲哂啞相助哂啲哩啞國
人不期皆被囉嗎國人衝擊敗潰啞啲啲者祇得逃奔
啞啲啲囉嗎國人復隨其後而追襲之水陸夾攻大獲
全勝威逼啞啲啲者出具降服之約實爲貶辱不淺也
是年乃漢孝惠帝五年也囉嗎國人于征服敵國之後仍准其各安
本土率由舊章並不改其政治法度惟令之會聚結盟
此舉乃虛假盟會之名實陰藏挾制之意可見嗣後凡
其號令役使均不能推辭違抗也按囉嗎國人最善軍
旅之事每戰皆易奏凱惟與啲啲國王名啞啲哩噤

者相持其國尙能抗拒延至二十六年之久而後征服
實令人深覺罕異也原斯國交界有噶嘑嘶山爲之屏
藩其山險峻已極人不易到况兼本國人民皆爲強壯
精神健銳從不以逸樂而致衰弱故囉嗎國人較之啊
呢吧咏更難收服也至所有呃叻哂啞與啞啞啞各國
始覺囉嗎權柄之重而不能避其拘轄者無不欣悅有
噶啞哩噠噠之一君敢與囉嗎抗拒皆甘心歸于其蔭
庇也究竟噶啞哩噠噠祇得隨其命運被囉嗎國人哂
啦與噓咕噓連次攻擊敗潰竟爲嘯嘯勦滅國失命喪

焉

是年乃漢孝文帝後元年也

嗣後囉嗎國于啞啡哩啞交兵無不

得心應手及嗎嚟啞勝仗啞噠之後

是年乃漢元封五年也

啞啡

哩啞各處盡爲俯首領命歸附于囉嗎卽啊咏吡嘶山
外所有各夷國亦無不覺囉嗎國堅甲利兵之重也蓋
嚟啞啞地方歸于囉嗎國爲一省之後遂有嘶啤哩
哆呢嘶與啞囉吧北方餘國之夷狄強進其地而嗎嚟
啞在啞啡哩啞如此英勇威震諸邦卽將啞囉吧北方
之人盡爲聞名悚懼倒戈旋奔而歸其本土也且囉嗎
國于天下各處交兵攻討克拔之際國中非無同人爭

鬪于戈相向之事其本國之亂乃自鼎建以來卽紛擾不休也蓋囉嗎國人民自驅逐國君裁革權柄以後雖得有自專自主之勢然而不能全備焉緣議事廳官員之後嗣名爲吧叻嚒哂哂日積月累皆得沐無數逾格優免偏庇姑息之恩而庶民又不能不仰仗其人凡事代爲經理是以定議而裁之因此黎庶與彼人常有辯論分爭永和睦究竟總係左袒私惠日見其敗而自專自主日見其勝也此等辯論分爭囉嗎國人一存秉彝之德尙無危險之舉其吧叻嚒哂哂者皆有愛國忠

誠每每甘心遜讓推辭以慰庶民之意而庶民雖得有規例准許皆能爲顯職巨任並得遂欲選舉官員然而其人仍係揀選吧叻嚒哂哂之人爲顯宦也迨征伐諸國之後各處之繁華豐盛靡不洞悉而西都懦弱貪婪之弊漸染其心卽將顏面體統咸爲喪失以遂其欲况人心不齊各從黨類是以國家竟爲其子孫所做遂有啊啦啞巨亂之事以啓官員與庶民永結不釋冤仇之衅而開好事之說客常爲撥亂誦惑之漸斯時諸人愛國之心不過徒有虛名耳其富貴之人已然饒裕尊榮

地輿備考卷三
三
嬌柔嫩弱曷肯自屈于軍法森嚴之間其當兵之人俱
係卑賤市井亡命下流曷能自振于赫卓縉紳之中各
兵丁除首領之外其餘均不尊敬皆隨本標之下交鋒
戰鬪攻伐劫掠若因其首領之故卽捨命傷生亦所甘
心是以首領如令其盡行屠戮本國之人亦必允諾而
不辭此等之人惟以戰場爲國家以主將爲官長凡其
首領之諭無不欽此欽遵也囉嗎國因屢有征伐勢不
能不連兵不解常常駐紮預爲準備故國中之變亂曠
日遲久未得一時驟然而作此等軍士各相約束彼此

阻遏若非晒啦之兵囉嗎國自必爲嗎嚒啲之軍卒所
征勦也畢竟以嚒嚒嚒啲者興是年乃神
爵四年也其征服嚒嚒
之人實于囉嗎大有裨益也嗣後于哇啲嚒啲啞勝其
對于嘯嚒未幾于哂啲啞啞啞啞等處無不戰勝攻取
也夫如是故囉嗎以其爲一統之主後有哂嚒啲一名
啲晒啲一名共謀于議事廳刺之以免囉嗎聽其一人
之命斯二人者雖免囉嗎國歸于以嚒嚒嚒啲一人之
掌握然其國究不能無別主之管轄也後乃落于嗎啲
咯啞啲呢啲之手管轄未幾又被以嚒嚒嚒啲之姪名

悉其誤并未更易但仍其舊也西洋各國皆書年號
日一千八百若干載乃自耶穌降誕之時算起也
囉嗎國之政治始末業經敘述詳備今惟以其文學技藝
稍爲陳錄焉當鼎建維新之時囉嗎國人于所有文墨
之事皆未經心研索惟以軍旅政治農業稼穡三者是
習迨攻克咖叻噠囉國之後更無可畏外方仇敵咸就
寧謐爰修文學既攻之則日新月益長進甚速蓋因既
勝呃叻哂啞後其國中所有珍奇精妙美觀之物盡爲
囉嗎所獲嗣後啊啞啞遭囉嗎攻拔凡其地積聚存貯
者亦歸囉嗎所有是以囉嗎國人昔爲粗鄙鹵莽之人

今則彬彬文雅凡各國之文藝華麗精奇奧妙無不洞
悉常取高談雄辯之才以爲遷升高位之大路也至文
章詩賦著作撰述不乏其人其出類拔萃者乃哂噠囉
囉啞啞哂啞啞啞啞啞啞啞啞啞啞啞啞啞啞啞啞啞啞
嗚吐哆以後所有皇帝除數君之外其餘皆爲殘暴之
君動作舉止敗亂倫常誠有辱于人類也至國中政事
舊章雖未盡行裁汰而通國之人皆如僕使賤役毫不
能專主自由且此等國君旣以酷虐待民而已身亦不
能自主又如被弁兵所役旣使天下聞名悚懼而已身

反畏三軍如此則囉嗎漸爲噶囉吧至強至霸之國也
總而言之欲澈悉其國曩政之情形卽觀回國現在之
制度足以盡知故毋庸贅敘其歷代臨御之皇帝及朝
政殘敗之情節也但論昔囉嗎舉兵征勦所降服者不
過呃叻哂啞咖哏噶啞啞啞等處內地之國人至邊
外夷狄尙未收服後嗣各帝欲出征噶囉吧各夷人如
啞哩曼喫咯吓嚟端及嘶哥噠嚟遠隔絕域等則猶爲
艱舉此等各處之夷雖昔日皆被囉嗎國之將軍查探
明悉但彼時尙未征服况且各夷性雖粗蠢力實猛烈

將來被囉嗎所降服者並非其勇敢不足乃因囉嗎軍
法森嚴戰陣精銳遂能平定焉按囉嗎史書噶哂哆者
所記啞哩曼國爲囉嗎攻勦竭力堅拒而後歸降其餘
噶囉吧夷國亦非容易征服彼此殺傷甚衆尸積如山
血流成海以致噶囉吧各地方每每荒涼至極皆爲曠
野其人民或戰死于沙場或被擄而爲奴其投降者不
過懦弱無能之輩耳如是景况深爲無益于人類也然
而諸夷旣歸順于囉嗎日漸得以與之來往交接乃學
習其國技藝文學言語風俗此舉實出于無奈緣土地

被人占據身體爲人奴僕上有貪婪之官剝削苛求毫無顧恤下有強悍之兵拘管約束甚爲謹嚴如此狼狽已極祇以炎涼轉易人事變遷爲念黽勉含忍負荷自思必有休息之日也再囉嗎國管轄之地日漸開闢以致勢力不逮權柄不足況且當時放僻邪侈之弊已漫于國中又有極北之哱噉及旺噠略等夷一時強進疆界以速其國之敗此等兇猛之夷由此而來報復前仇者或寄居于囉嗎未曾收服之啊哩嘎各地或寄居于現在吠呢喘嶼咆囉呢啞哱囉嘶等所駐之啞囉吧北

邊與啞啞啞西北各地方原其人素性莫定反覆無常因此日離本國前赴他處擄掠占據其先至霸侵者無不被囉嗎軍法嚴肅抗拒驅逐也但此次驅逐並不令之畏懼更觸其報復夙仇之心彼夷遂旋本國因同人尙未悉其底裡故先告以彼處民豐物阜田土膏腴等語復述戰鬪之事親友昆仲戕生殞命者不可勝計語言激切以聳本國人急欲復仇之心遂通國之人執矛操戈並攜妻子奴僕六畜器皿蜂擁而往以謀報冤洩忿以圖占地移居更有他方游民附和同行沿途所過

之地如水湧流無不掃蕩淨盡遇室則縱火焚燒逢人則挺刃殺戮良莠莫辨玉石不分無論老幼男女尊卑貴賤靡不遭其蹂躪以致肝腦塗地血流漂杵其時修史之人欲述其事之始末書不盡言言不盡意竟不能備載其災難也及啗吐叻喏踐位之時即晉孝惠帝光熙元年也始尊奉耶穌之教臨御無幾乃自囉嗎遷移建都于啗吐叻喏啗啗國勢大為改變東西二方各省分爲兩處各有其主管轄是年乃晉成帝咸和三年也原啗吐叻喏東遷時所有囉嗎之兵把守嘍叻與噠叻吡叻河濱者皆爲

調赴東方護衛是舉乃如自撤西方之藩籬開門揖盜啓戶進狼也當是時囉嗎爲西方之都啗吐叻喏啗啗啗爲東方之都如此舉措實干囉嗎甚爲衰微以致被夷人侵奪占據之其昔日之光榮顯耀妄冀萬年不朽者今則一旦泯滅焉而諸夷首中之一人名喃哆啞噠者于西都卽位爲君自此以後各地方常被夷狄侵奪霸占不休也囉嗎國中所有宮室堂宇其工程並非一時所能修造完竣者惜乎皆被其人折毀亦需數百載方得傾覆罄盡也其軍旅嚴肅如法設立甚有紀律故

傳留後世猶有效驗若非國君積惡成愆人民性情敗壞豈能為敵國仇人所勝哉嗟乎囉嗎國君德不堅政不行先王之道日見其衰暴虐之心日見其盛歷代相傳祇以廣關疆土是為專務通國政治置乎不聞欲滿其貪得無厭之心遂不惜罄之公帑之資財竭盡一國之智巧以致王師敗績辱國損威莫大于此雖天下之繁華富麗俱已受享遠方絕域莫非已有究竟酷虐殘暴肆行無忌惟與化外夷狄狼心狗行並肩相耦自取其禍夫復誰尤其如是猶冀國祚綿長豈可得乎

再耶穌六百餘年間

即唐中宗嗣聖年間

吡嘞叮呢啞

即今之喚咭喇國也

南邊至膏至腴之省歸干嚩嚩呢啞國人喚噓地方歸

干喏啞啞國人噦嘶吧呢啞

即今之大呂宋國也

歸干呢啞國人

噦吠哩啞及各隣近之省歸干嚩吧啞啞國人至于囉

嗎國之政治法度技藝文學等僅存微踪細跡各處地

方凡政事律例風俗衣冠言談話語人名國號盡為更

新與古大相懸殊由是時以後數百年嗽囉吧一帶地

方只有呢啞之鄙陋風俗憂鬱狀貌當此數百年之間

文才學業殆將廢弛即顯宦縉紳等亦不能誦讀書寫

其餘之人更不攻習甚至性情愚昧毫無知識也至耶
蘇八百年即唐貞元十六年也咖咿喙嗎哥叻踐位為嘑嘑哂啊
哩嚙二國之君兼攝噫吠哩啞國數省嗣後越數十載
有啖咭喇國王名啊咿吠嚙啞者斯二君各干本國盡
心導引愚民令之攻習文學事業以消其暗昧性情而
啓發知識也但當時民心愚昧至極故二君徒費精神
不能遂其所欲是以噉囉吧地方皆為鄙陋愚蒙也嗣
後因各君以所得之地分封國中之政治法度遂漸為
更變也蓋導引諸夷攻勦其地之國君首領等以所得

之地與其大夫將軍按職分授並令出具凡有征伐堵
禦之役每地主應出軍若干名以備助戰捍衛之結約
而大夫將軍等亦效其君之法在所封授之地與其麾
下之人分授地方出具甘結均為相同所約無異然而
運籌此法雖似足以保護地方防範寇仇究竟變為逼
迫下屬欺壓小民之風緣紳衿豪貴之輩倚仗勢力任
意縱橫強奪霸占實屬難堪以致庶民人等束手無策
裹足不前終日困守而不能自由也其宦官紳士封授
之田必皆分與庶民耕種是則紳士反為田主而庶民

反作佃丁其爲佃丁者實如田主之奴僕也凡紳士若將田畝轉售或與人交換其佃丁亦永不能自主祇得相隨田土歸于他主而聽其役使也再各顯宦紳衿等若受同僚之凌辱皆率所屬攻擊報復而對手之人亦領麾下堵禦護衛其攻者禦者兩家之親屬治下必然皆被累及永不得置身局外也各國君見其大夫將軍舉動強霸欺眾殃民深爲不忍況且各仕宦等不惟侮虐下民之舉并有挾制君上之心若不另立夫官職卽無以禦其強橫故運籌計畫逾格錫恩于庶民鄉黨之

中以助其勢以分厥權而庶民自沐隆施其被屈含冤漸得伸解至各處之氓于斯始立會議公所自行選舉官員代爲經理約束旣得自主之權實于黨類大有裨益盡爲變更也昔則愚蒙暗昧一無知識惰慢怠荒全無勤奮今則講習討論以養其才黽勉勗勵以修其身復以貿易生涯傾心致志靡不專務本業始得大爲興隆也夫貿易之復爲茂盛各國之再相交接其故非一而致然原東方之都喧吐呷啲喏啞啞當極北之哢啾與哇噠略等夷攻破西都之時獨彼未遭傾覆所以此

國中之一文學事業仍存一二追數百年後其地又為利
市埠頭而天竺國之珍奇貨物巧妙工作尚可行銷其
本國之人始與噫呔哩啞國人再為來往教以文學之
事嗣後因薩拉噠啞國人占據咖噠啞國之都咂路噠
噠凡噠囉吧各奉耶穌教之君會盟共逐薩拉噠啞因
此噠囉吧諸國之人與啞啞啞東方之人始通來往交
接是年乃宋哲宗
紹聖三年也各國三軍或赴咂路噠噠或歸本國
無不會集于咂吐咂啞啞且噠囉吧各國此次興
兵東征雖不以貿易為意但為救挽咂路噠噠起見不

料眾心莫齊徒勞無益未克如願而各國之生意實賴
此尚有裨益尤能經久而不間斷也迨各國干戈休戢
之後有噫呔哩啞國人名咂噠啞別名佛拉噠啞者始
造羅盤故往來遠方更為便易彼此交接日漸親密是
乃元成宗大
德六年也從此噫呔哩啞各國之人始赴東方各處
及呢咂噠諸埠販買天竺土產奇巧各物帶歸本國發
賣與噠囉吧諸地方甚獲利益其去之至多者乃噠噠
噠與咂啞二國之人而噠囉吧眾國于所運各奇巧
之物漸覺嗜好焉至耶穌一千三四百年之間乃元大
德年間

至明建文
帝年間也
噉囉吧之貿易多係噫吹哩啞國人經營彼
時其人別名爲隴吧啞哆合夥至各地方開設公司行
貿易所以往來販貨置造各物皆係其人且噫吹哩啞
國人既在噉囉吧南邊勤力營運大有結局至耶穌一
千四百年間其在噉囉吧北方之人無不奮勉營謀當
是時隣近吧啞啞略海之啞喇嗎啞啞啞等國猖狂
已極于該處海面盜竊爲患因此噉吡啞啞啞啞二
府之人與噫吹哩啞通商交易未幾不得不彼此結盟
互相保護此舉深爲利便而他方別府遂皆附和之以

圖庇佑也不久啞哩慢及拂囉吧二國之至富者八十
城約同會盟互爲護衛威嚴已極甚至別郡亦皆求爲
和好大國之君亦盡懼其震怒也其各城會約之人始
立貿易章程公議辦理噉囉吧餘國遂有各樣財物堆
積存貯其至多者乃拂囉吧國啞噉吧城而其貿易皆
有次序隴吧啞哆國人常販天竺土產並本國貨物前
來彼處交易雖所換之貨微粗究屬于已適用者也啞
噉吧城既爲隴吧啞哆及會盟各國商賈聚集之所拂
囉吧國人遂在該城與噉囉吧南北各處之人互市交

易實爲深有利益以致其國人皆盡心于工作也不久
佛囉咄與其隣近各城皆得爲嘍囉吧至富至庶之福
土也嗣後暎咭喇國王名噶嘯啊咄者是時乃元文
宗致順元年也
見各城物阜民豐已察其故遂于本國人中勸勉其
竭力經營盡心貿易蓋因其國之人當初猶如瞽目居
于高處便利之美視而不見將來得享優裕之福毫無
念及貿易工作置之度外全不經理本國所有土產物
料盡供他國之人採辦故該國王招徠佛囉咄工匠居
于國中並立妥善章程以庇貿易未久暎咭喇國始有

呢絨疋頭織造成就焉以後百工技藝均令其學習純
熟製造精巧是以其國今爲貿易第一等盡善盡美之
埠頭也再奉耶穌教各君往救咄囉嘍敗績之後因
舊蒙古別名噶咄哥嘶咄各王聲名播揚于嘍囉吧及
啞啞至遠之方遂圖結約和好以拒吐咄噶啞國人
其人卽
回回也蓋因是時凡奉耶穌教者皆被回民深爲仇恨
且其人前則雖然不過一羣遊居無定之輩凡有干戈
之事卽投軍應募後則漸爲結黨成羣于啞啞極美
之國騷擾擄掠也其奉命爲使前赴蒙古者多半皆爲

僧人緣其人素本雲游四海力圖推善並不畏難苟安因而遠方絕域無不歷遍其為首赴蒙古記錄沿途所經之地方古蹟者乃喏噶咖唎曠也于耶穌一千二百四十六年即宋理宗淳祐六年也時有數僧人相隨同往賫教主會函一封投遞蒙古國王御前懇其關照庇佑在所轄各地方之奉教人等嗣後未幾前往蒙古印度等處者不乏其人迨耶穌一千三百八十九年之間即明太祖洪武年間蒙古國王名噶唎喇者乃當世賢君即印度遠方絕域無不攻克彼時噶囉吧人已于其部落充當兵卒為

數非鮮後由其地攜帶彼國火藥礮位運用之法旋歸

噶囉吧地方但火藥礮位雖耶穌一千三百四十年間

即元順帝至元六年也噶囉吧已有啊哩慢國人名噶唎喇者

造成然而所造者尚未齊備不過偶然而得者也蒙古國王噶唎喇見吐咀噶啞國勢日漸昌熾深為妬忌因此多方扞禦阻彼前進及其薨後噶囉吧之奉教諸人皆旋本國遂以印度等東方之邦國富民豐地饒物阜之語啓發本國人前往臨閱之心並言海面水路亦直達各處而西洋國人向來凡于駕舟之事皆專心經

理以致名馳四方現在暎咭喇國之貿易得以興隆者
 實賴西洋人尋得好望海角之助而然其駕舟先則不
 過游奕啞啡哩咖近處海邊尋覓地方漸次循序而進
 後則漸漸向南駕駛幸于耶穌一千四百九十七年即
 孝宗敬帝弘治十年也將舟駛越好望海角始為疏通赴東海及
 印度港脚中華日本等國之水路中華日本等國鼎建之始未曾追述因西
 洋人曩者尚未得越好望海角並不知有中華之地及
 逾好望海角之後于明正德年間親歷其地始知中華
 建國年限已經悠久故未備載彼時西洋人專務由東方赴印度之際
 有咂喇呖國人名哥囉波者擬由西方而赴彼處遂與

本國人言明已意而本國之人不但不肯聽信反以其
 言為孟浪之談哥囉波復以已意陸續奏明佛囉晒暎
 咭喇大西洋三國王駕前而三王皆不錄用未克酬其
 所願此事若係他人自必棄置度外而哥囉波雖此行
 必須花費多金自身又屬囊空如洗然而仍為始終不
 變無奈祇得前赴噶嘶吧呢啞國再三奏懇越八載之
 後幸蒙國后施恩方得如願原噶嘶吧呢啞國有一人
 名啞翰卑哩嘶者才學淵博交接寬廣滿朝之中無不
 欽佩因識哥囉波為人賢哲并非無能無品之輩是以

與之深相契洽遂會同本處醫士一人素于天文之學
高明超越者公同詳細察閱遂悉其所立之術次序并
井十有其八必然能行故于心深為喜愛其後啤哩嘶
遂竭力保舉代為奏請因此國后恩准並願賞發自蓄
銀兩以供其費恰遇其別友名吐噠明者預先支付應
需銀兩所以勿庸國后發給于是哥隆破備船三隻于
耶穌一千四百九十二年即明孝宗敬帝
弘治五年也開行西往此
舉實屬天下至艱至難者也啓舟之後所受辛勞不勝
屈指眾梢水人等往往不相和睦又因行歷日久皆為

不悅逼其速為反棹更以語言震嚇如不允旋即欲棄
擲海中惟因船主為人志堅意誠必要前進且行越三
十三日方探得前途已有洲島眾心稍為平寧及臨近
其地不料所見地土並非印度所遇人民言形殊異遂
知其為新域向日永無人臨之者今之名為啞啡哩咖
者即此地也後卷註明茲不及贅再囉嗎國敗績之後
噉囉吧餘邦皆遭大幽暗世衰道微國人鹵莽文學攸
斃迄耶穌一千四百年間即明成祖永
樂年間以後復如田禾旱稿
得雨還甦漸為匡正再為文雅况新尋得各邦土淳然

地理備考卷三
三
復興且有創造印刻纂撰書籍文修學習道美理善百
工技藝于是乎得一時之全交接貿易於是乎獲萬年
之盛故耶穌一千四五百年間諸史推為今世第一要
時也厥後歐囉吧之諸邦始為定國立位雖然歷次或
本國自為作亂或隣邦互相交兵然而國內政治迄今
更變實鮮也以上追述不過歷陳開闢以來各古國始
末之要旨至于列國後世之情形緣由俟釋及本國再
為備細詳明焉

終

新釋地理備考全書卷四目錄

地球總論

歐囉吧州全志

大西洋國全志

大呂宋國全志

諸非啞哆嚙國全志



